

B. N. C.
FIRENZE

1185

19



CAMILLI SCLAFENATI

EX DOMINIS
VILANTERII,
IVRECONSULTI
EX COLLEGIO MEDIOLANI
EQVITIS ET COMITIS.

ET IN FIRMANO GYMNASIO
*primi legum Interpretis Oratio habita in eodem Gym-
nasio in ipso profitendi principio.*

Anno M. D. LXXIX.

DE CONSENSV SUPERIORVM.



MEDIOLANI.

*Secunda Editio, Apud Iacobum Picalcam, & Gratia-
decum Feriolum socios. M. D. XC.*

EX LIBRIS

EX DOMINIS

VILANTERII

IVRECONSVLTII

EX COLLEGIO MEDICANI

LOVATII

ET IN ALIIS VARIIS

LIBRIS

EX LIBRIS

EX COLLEGIO



EX LIBRIS

1185.19

EX LIBRIS

EX LIBRIS

BEATISSIMO. AC SANCTISSIMO

PATRI SIXTO QUINTO
PONTIFICI O. M.



DE BETVR Sanctitati tue Divinis
virtutibus, ac proxima Deo dignitate
Sacrosancte Pontifex, ut Christiani no-
minis omnes te veluti sanctum in terris
Numen pie venerentur, & in tua grã-
tia patrocinium insinuare se se studeant;
Sunt tamen mihi precipue huius deside-
rij, sicut eximia simul venerationis, ac cultus causa; illa
alios moueant, quod in supremo omnium dignitatum fasti-
gio collocatus in ea quoq. potestate sis positus, ut unico ver-
bo, quin ipso icctu oculi innumeros praeclarissimis beneficijs
exornare, ac beare possis, à me verò singularem cultum fla-
gitant, & ut hac cupiditate exardeam, requirunt insignia
in familiam meam merita, cum tam illustri beneficentia
tantum splendoris gentili meo Iulio Sclafenato sit additum,
dum nobilissima totius Italia prouincia, & ipsa in primis
patria tua iam penè pari (sit fas ita loqui) cum Bethlehe-
mitico vico laude celebranda eius integritati, ac prudentiae
tam decoro, & glorioso de illius virtutibus iudicio summo
cum imperio sint conceditae, ut pulcherrimus Italia tractus
omnium rerum felicitate, quibus prouincia commendari so-

lent, insigniter instructus multis abhinc annis tot procellosis
turbibus agitatus, tam misere à perditissimis hominibus
oppressus, atq; afflictus desperato propè, ac deplorato pra-
sidio subleuaretur; utq; Scironibus, Caciis, Procrustibus in-
festus, atq; infamis his hominum monstris expurgatus anti-
quæ securitati, & gloria restituerentur, quod quidem bene-
ficiùm adeò, & amoris plenum iudiciùm facit, ut ab ea-
dem beneficentia ampliora etiam, & firmiora sperare au-
deamus; fatale scilicet est ad familiam nostrā exornandam
Sixti nomen, & Franciscane Religionis Numen; Nam
& olim Sixtus Quartus iam supra annos centum ex illa
duos, Vasionensi alterum, Parmensi alterum, insignibus duo-
bus Episcopatibus decorauit, tertium etiam ad Cardinalatus
culmen euexit, & totam agnationem gentilitio suo insigni
querna arbore donauit; Accedit ad has causas, quòd Fir-
mana ciuitas, quæ ipsa etiam te ciue gloriatur, & Firma-
ne Ciuitatis Gymnasium tuæ Sanctitatis munere superas ua-
luti in auras reuocatum sub tuo simul patrocínio gloriosè
conquiescit, splendidissimè illustratur; Quamobrem cum in
eo ad primum Iuris Ciuilis interpretandi suggestum sim de-
lectus, imparibus licet ad tantum oneris perferendum viri-
bus, in hoc ipso video, quales me fatuo, & subrustico pu-
dore reluctantem hætenus compellant potius, quàm impel-
lant causæ, ut ad sanctitatis tuæ pedes, quæ absens ratione
possum reuerenter procumbens tibi debitum officium, ob-
sequium, ac seruitium iurans humillimum me seruum tuum
non obscura aliqua testatione profitear; iustum tamen
opinor, & conueniens fuit in hoc usq; tempus distulisse:
iustum enim erat feudalium consuetudinum obseruantia,

ut qui me, meaꝫ omnia iurisdictioni, & Imperio sancti-
tatis tue deuoueram, meꝫ Homoleugium in Vassallitium
tuum darem, subiectionis aliquod signum offerrem: Ar-
ripui igitur gaudens prabitam occasionem, dum meam
hanc qualemcumꝫ orationem, testem certè futuram erga
Sanctitatem tuam religiosi cultus mei, & in Firmanam
Ciuitatem propensionis, & obseruantia, eiusdem Ciuita-
tis desiderio indulgens typis excudendam libens concessi, ut
hac ipsa sanctitatis tue nomini consecrata sit instar solu-
tionis census, quem fidelis Vassallus supremo Domino per-
soluit: Te suppliciter precor Beatissime Pater, ut eam
in sacrosancta Maiestatis conspectum prodire verecun-
dantem benigna fronte excipere, meꝫ ipsum in addictissi-
morum clientum, & seruorum tuorum numerum ascribere
non dedigneris; Sic te Deus Optim. Max. Christiana
Reipublica beneficio bonorum omnium vota adimplens
incolumem quam diutissimè conseruet.

Sanctitatis Vestrae.

Humillimus seruus.

Camillus Sclafenatus.

1. The first part of the paper is devoted to a general discussion of the problem of the origin of life. It is shown that the problem is one of the most important and interesting in the history of science. The author discusses the various theories of the origin of life, and shows that the most probable one is the theory of spontaneous generation.

10

Handwritten text (likely a signature or name):

Handwritten text (likely a signature or name):

www.jah2.com

Francisci Guaschi Patritij Alexan-
drini, & in firmiano Gymnasio
legum scholaris.

QUAS fudit quondam generoso pectore voces,
Debita qui Magni nomina prima tulit,
Innumeris toto positus Oriente Trophæis,
Pelida tumulo lumina fixa tenens.
Nunc fama celebrata magis Gymnasia fundent,
Firmanum quoniam gloria maior erit.
En cius laudes tuba qualis grandius ipsa
Intonat Iliade, summaq; in astra vehit.
Quid reliquum? cur non inter caput omnia tollat,
Quantum inter frutices robora celsa solent;
Præsidio SIXTI felix, SIXTIq; nepotus,
Et studijs sedes firma perennis erit;
Urbs felix tali decorum præcone suorum.
In legum tenebris, & face, luce, Duce.

IIIIIIII

DEL

Del Sig. Gio. Battista Visconte,
scolar Milanese a Fermo,

SE sin' hor Fermo dei gloriosi fregi
Ch'il suo CAMILLO à te chiaro ressea
Thauea inuidia il Tesino, e si dolca,
Vedendo inte fiorire gl'alti suoi pregi:
Hor piu si duol che di quel suon de fregi
Ond' allettato altero ei si godea
E far chiaro l'eterno si credea
Il nome suo, non i tuoi meriti egregi
Che più manca à tua lode alma Cittade
Hor ch'inuidia il suo preggio eccelfo, e raro
Tesino, e gl'altri quanto, ch'egli alteri
Perche dunq; non godile lieta sperì
La stessa inuidia a la futura etade
D'huom'e per se, e per gl'ani illustre, e chiaro

CAMILLO

CAMILLI SCLAFENATI.
EX DOMINIS VILANTERII,
IVRECONSULTI EX COLLEGIO
MEDIOLANI EQVITIS ET COMITIS.
ET IN FIRMANO GYMNASIO PRIMI
Legum interpretis Oratio habita in eodem Gymnasio
in ipso profitendi principio.



ILLUXIT tandem, illuxit ille dies,
quem votis potius timide optarem,
quàm spe conspice auderem; neque
verò optatius mihi quidquam fuit,
aut esse debuit, quàm, ut quando Di-
uino (ut opinor) annuente Numine
hanc iuris civilis profitendi provinciam
sum ingressus; tandem aliquando ad opimi honorarij de-
cus, & primi subsellij honorem liceret pervenire. superavi
spem, ac vota nostra benignus Deus eiusmodi mihi oblata
occasione, qua neq; fructuosam magis, neq; splendidam con-
cupiscere animus meus posset; sed mitto utilitatem, quam
spectare humilioris sit, & angustioris animi, ad decus so-
lum, & gloriam mentis aciem intendo; quid ad nominis
mei famam decorum magis, quid gloriosius potuit continge-
re, quàm, ut tanto disiunctus terræ spatio accersirer ad
eam urbem, ad quam ne minima quidem auditione nomen
meum pervasisse existimarem; id verò, quod perhonorificis
adeo conditionibus, quantum existimationis adiungit? adij-

citur cumulus, quod nobilissima in Italia provincia ad nobilissimam Urbem sum euocatus, in qua ego Cæli felicitatem, agrorum ubertatem, collium fertilitatem, maris opportunitatem, amœnissimos prospectus laudanda quidem, sed non admodum extollenda, ac suspicienda arbitror; sunt hæc cum alijs communia, sunt felicitatis potius, quàm virtutis, illa admiror, & admirans obstupesco, non admiranda tamen in Firmana Vrbe firmissima Romanorum Colonia, qui, religionis, fortitudinis, & constantiæ præcipuis laudibus commendantur, quin potius admiranda tamen singulari talium exemplorum inopia, constantissimè retentam, à quo tempore iam supra mille annos suscepta est, erga præpotentem Deum, & Romanos Pontifices Religionem, ac fidem nullis percussam, nullis labefactam periculis; clarissimos in omni dignitatum, & virtutum genere viros, seu militarem gloriam respiciamus, sic huic provincie, huic præsertim Patriæ propriam, ut Martis alumni pleriq; omnes meritò sint appellandi, siue ad togam, & scientiarum decora oculos conuertamus, per quæ ad summa honorum culmina, & ipsos Cardinalatus apices pleriq; ciues vestri conscenderunt, per quæ omnia Civitas hæc amplissimis privilegijs à summis Pontificibus, & Imperatoribus est exornata: per quæ omnia, sicut cæteras provincie civitates præcipuis ornamentis antecellit, sic iusta, ac debita vestra Urbis, atq; orbis lucidissimi luminis, Sixti Quinti liberalitate Archiepiscopatus dignitate præfulget; hæc si cuncta ornamenta desint, unum adest cunctorum instar, Cælo demissus, & in sacro solio collocatus ciuis vester Sixtus Pontifex omnium linguæ per
sacula

secula omnia celebrandus, à quò refrenatas libidines, com-
 pressam furiosorum hominum audaciam, cohibitas cades,
 coercita latrocinia, redditam tuto, ac tranquillo animo vi-
 uendi securitatem, cumulatòs ad christiani nominis cultum
 propagandum, & Pontificium decus tuendum, atque au-
 gendum thesauros, superata edificiorum elegantia, & ma-
 gnificèntia, quibus antiquitas gloriabatur, septem mundi
 miracula, aurea planè restituta tempora agnoscimus; quin
 hoc ipsum etiam desit, an non habet hac prouincia, in quo,
 quàm ipsa Roma Mundi caput, perpetua Pontificatus se-
 des, sanctissimarum reliquiarum Thesaurus, altiore glo-
 ria fastigio extollatur; in hoc illa huic submittat fasces,
 in hoc det manus, in hoc ceruicem subiiciat, quòd hanc præ-
 ceteris prouinciam delegerit sanctissima Virgo, Regina
 Cæli, Redemptoris nostri Mater, in quam cellulam olim
 suam Angelorum sublatam manibus tanto miraculo trās-
 ferrent hac si latius persequi, & dignis conet encomijs illu-
 strare, imprudens nimium tantarum laudum, & virium
 mearum estimator, tum verò fatuum Athenienses, (ut
 vetus est dictum) Athenis laudare, fatuus sim magis,
 & impudens, cum hac omnia pio pariter, & erudito
 præclarissimi eius Vestri Cæsaris Othinelli labore ex va-
 rijs historijs decerpta, antiquitatibus eruta ad æternam me-
 moriam Typis sint demandata; illud fortasse desidera-
 ri quis dixerit ad summam meam existimationem, &
 gloriam Gymnasis huius Vestri, si non planè noui,
 at per diuturna tempora iacentis, ac consepulti, nunc
 nuper rediuius nouitatem; inesse enim videtur qua-
 dam vetustati veneranda maiestas, & quasi religio,

quam nouitas non admittit; quid verò minus? imò ex hoc ipso omnibus absolutam numeris, omni ex parte perfectam gloriam meam existimo; si enim in religionis hominum conuentibus, qui sub varijs Diuorum nominibus sunt instituti, hoc ipsum contigisse cernimus, ut qui primis nascentis & excrecentis Religionis initijs interfuerunt, ij doctrina præstantia, & vita sanctitate usq; adeò emicuerint, ut pleriq; omnes in cælestium Numinum cætu sint relati; si in ipsis templorum constructionibus cæmenta prima, primos lapides à summis Principibus, & Episcopi desigi cernimus; quid de me aliud loqui, quid cogitare poterit posteritas (fallaci licet coniectura) quàm me honestissimis moribus exornatum, admirabili doctrina effulgente, omnibus virtutibus conspicuum extitisse, qui ad Vestræ huius Florentissimæ aliquando futura Academia, si non prima proxime ponenda fundamenta, at paulo altius humo attollenda sum delectus? quis verò hoc dubitet, futurum breni, ut Vestræ hæc Academia ad summam nominis celebritatem perueniat, & cæterarum omnium luminibus obstruat? glorie tunc Parisiensis, & Ticinensis conditoribus Anglis à Carolo Magno transmissis, latentur alia primis auctoribus suis; hæc verò tantorum Pontificum, Bonifacij, Eugenij, Calixti, Sixti demum ter omnium maxime auctoritate erecta, confirmata, resurgens; hæc tanti Cardinalis, in quo non annos excelsa dignitas, sed eximius virtutum chorus ætatem præcurreit, hæc eius in cuius humeros Patruus Imperij nolem quandoq; respirans reclinet, ad quod ille onus iutenella adhuc ætate non labans, non titubans; non incuruus proh Deus quale futurum suo tempore adularum

Virium

Virium robur promittit pro sibi commissi christiani gregis
 felicitate & hac, ut uno omnia complectar, tanti Pontifi-
 cis digni ex sorore pronepotis patrocinio innixa, decorata,
 resurgens felicioribus auspicijs exulcet, ac triumphet. Iure
 equidem gratulabar mihi antea, & magnopere gaude-
 bam; cum enim Deus Opes Max. ad communem hominum
 utilitatem omnia procrearet, nosq; ipsos, ut alij alijs, ut
 huic humano generi totis viribus prodesse contendamus; cur
 non gauderem, cum tam me ad id praestandum delegisse
 viam cernerem, quae utilitate, necessitate, dignitate, &
 Diuinam promerendi gratiam commoditate praestaret? si
 propriam utilitatem querimus, hac est, quae illa omnia,
 quae in hac vita expetuntur, & celeriora, & ampliora
 tribuit opes, honores, famam; hac itur, hic est cursus,
 hunc cursum tenuere fulgentissima nostri iuris lumina, Car-
 dinalis Zabarella, Parisius, Alexandrinus, Sfondra-
 tus, Alciatus, hunc alij innumerabiles, hunc paucis ante
 annis in caelum sublatus sanctissima memoria Gregorius
 Pontifex; sin vero, quod iustius est, de humano genere
 benemerendi facultatem querimus, si communem hominum
 utilitatem respicimus, quid iuris civilis scientia, quid eius
 explicatione utilius excogitari, ne quidem potest? hac est,
 quae supplicia vitij, virtutibus praemia proponens, ab in-
 iuria, cadibus, & rapinis tutam, florentem, ac beatam,
 tot commodis, tot felicitatibus auctam, decoratam hanc ho-
 minum coniunctionem praestat: hac est quae potentiorum opi-
 bus resistens; humiliorum infirmitatem subleuans iubet ho-
 nestè viuere, iubet alterum non ledere, ius suum unicuiq;
 tribuere: quid vero tot habere prudentissimè constituta, tot

sapientissimè præcepta, tot leges sanctissimas conditas refer-
ret, nisi extarent, qui earum implicitos sensus explicarent,
nodosus perplexitates soluerent, obscuritatem illustrarent?
Sed quid eam iuris civilis cognitionem, & traditionem vti-
lem esse contendo, quam verius necessariam appellare de-
beo, & ita, ut sine illa nec domus ulla, nec ciuitas, nec
gens, nec hominum vniuersum genus stare, nec mundus ipse
possit? sine legum moderatione, sine earum traditione neq;
feritatem homines exuere, neq; in vnum coalescere, neq;
ciuitates condere, neq; melioribus parere in animum indu-
cissent; fera mehercule rationis expertes, inanimata saxa
essemus: quid enim aliud aut illas fuisse feras putemus, quas
Orpheum vocis eius & lyra dulcedine captas secutas legi-
mus, quàm rudes & agrestes homines, quibus antra pro do-
micilio, pro cibo pabulum, quibus omnia præter imaginem
ferina essent, quos ille vir prudentissimus iustè, & ciuili-
ter viuendi præceptis delinitos ad mansuetiores cultus dedu-
xit, aut quid aliud Amphionis testudine ad muros Theba-
ne arcis construendos tracta saxa arbitremur, quàm incul-
tos homines, stupidos, & saxeos iisdem iustè, & ciuiliter
viuendi præceptis allectos in vnā societatem, ac veluti
corpus congregatos? Iam verò quanta insit huius iuris pro-
ficendi muneri dignitas, quantus splendor, quis non videt?
siue ipsius scientia excellentiam intueatur, quæ vitiorum
expultrix, ciuitatum gubernatrix, Regina omnium virtu-
tum appellatur, siue in illos intendat oculos, qui per hanc
ad summa honorum culmina sese extulerunt, & quotidie
euehuntur? Illud autem quanti est, quàm honorificum, conue-
nire anxios præstituco hora momenta nobilissimos Adole-
scen-

scientes, nullo aut frigore retardatos, aut somno pigros, aut
aestu languidos, pendere omnes ab unius ore, figi omnium in
unum oculos, non nutare, non niectare, non penè spiritum
trahere audere, eam nobis fidem, eam reverentiam præstari,
ut idem nobiscum sentiant, idem velint: probè Deus quàm
hoc est decorum, quàm Regium, quàm propè Divinum?
Hinc ille Syracusanus Tyrannus vir sapientissimus, licet
omni vitiorum genere obrutus, regno pulsus, Corinthi lu-
dum aperuit, proximum hunc Regia Maiestati statum ar-
bitratus: sed quid hæc argumentor? ille, ille inquam Rex
Regum, Dominus Dominantium, in cuius potestate sunt
omnium potestates, & iura Regnorum, nonnè se ipsum
Magistri nomine appellavit? nonnè se talem, quoad
hanc mundi sedem incolere est dignatus, semper docendo
præstitit? quis igitur dubitet, quàm gratum sit omnipotenti
Deo hoc docendi munus, quod ipsius exemplo exercetur?
quàm verò gratissima ante omnes sit iuris civilis explica-
tio, negare quis audeat? cum per illud humanum hoc genus
tantopere ab eiusdem Maiestate dilectum, tot commodas, tot
utilitates consequatur? cum illi, quòd more hominum vi-
uamus, quòd ius, quòd fas, quòd religionem coli videam-
us, acceptum referri debeat? Quamobrem gratulabar mi-
hi antea, & magnopere gaudebam, quòd huic me Iuris Ci-
vilibus profitendi muneri addixissem, nunc verò omnibus læ-
titijs exulto, cumulatissimo gaudio triumpho, cum ad hoc
idem obscundum tam splendidam, tam honorificam, tam glo-
riosam Vestra mihi, gravissimi Magistratus, benignitas
occasionem præbuerit; illa mihi video quas imposuerit par-
tes, agnosco beneficij magnitudinem; sed quo pacto gratum
ani-

animum sperem testatum satis posse relinquere, dicamne,
me enixe curaturum, ut gratiam referam, non est fortuna,
non est humilis conditionis mea: an uerò summa cura conqui-
situs, & ex intimo artificio depromptis uerbis gratias agen-
do satis me pro tanto beneficio facturum sperem, quod si
coner hac ingenij mei tenuitate, molesti; & amentis nomen
feram, hoc uno spem facit uestra benignitas, fore, ut si non
abundè, satis fortasse relatum gratiam existimetis, si ue-
stra ornatissimi Adolescentes utilitati toto pectore infer-
uiam, si quantum coniti, atq; efficere potero, tantum con-
feram ad studia uestra promouenda, si operam dederò, ut,
quæ mihi natura non indulsit, uel præteriti temporis negli-
gentia sunt deperdita, assidua diligentia, pertinaci labore,
summis uigilijs, si fieri potest, consequar, & id totum ad uti-
litatem, & commodum uestrum depromam, atq; effundam,
quod sicut ego de me uobis polliceor, & re præstaturum spe-
ro: ita uos abiectis omnibus alijs curis, incumbite in hæc stu-
dia, quæ præcipua uobis, & Patria, & toti humano ge-
neri honori, & emolumento esse possint. His Imperatori-
bus præstantissimis, me etiam non gregario duce uirtutis ar-
tem in summo monte asperitatis pleno positam adoriri iam
iam debetis, iam arma, iam scalas, iam omnia ad oppugna-
tionem necessaria comparastis abundè instructi humanio-
rum studiorum doctrina, maiora nunc sunt audenda, eri-
gendum in collem agmen, propius huius arcis muri subeun-
di, statuenda in illis uictrices Aquilæ; neq; uos aut præru-
pta, aut confragosa loca terreant, aut præcipites disruptæq;
crepidines retardent; est hæc aliorum, multorum etiam uia
signata uestigijs; en qui uos labentes sustinebunt, lapsos
erigent,

erigere, fessos recreabunt, timidos præcundo audere doce-
bunt; molliendum est opportunis iter anfractibus, putrefa-
cienda igni, & aceto saxa, non sicut olim in Italiam tran-
seuntem Hannibalem fecisse tradunt: Vobis sit acetum
acre studium, acerrima pertinacia, sit ignis ardens deside-
rium, flagrans cupiditas, faces illæ, quibus Scipio, quibus
Themistocles ad gloriam inflammari pectus sentiebant:
sæpè legimus muralis coronæ, aut alterius militaris doni
premio incitatos milites certissimis vitæ periculis obiecisse,
& inuia, & inaccessa superasse, vos, quibus nullum
periculum imminet, quibus tanta præmia proponuntur, qui-
bus de humano genere benemerendi, quibus diuinam pro-
merendi gratiam facultas datur, erit nè, ut labore frangi,
ut desidia retrahi vos sinatis? non ita, non ita. eia alacres
potius, macti virtute in tanta præmia dignos parate ani-
mos, curate corpora, ut integri, ac vigentes crastina die
Deo Auspice gloriosissimam hanc oppugnationem aggredi
incipiamus. Tu verò Illustrissime Antistes, Tu Reue-
rendissime Urbis Præses, vos grauissimi Magistratus,
Vos Patres amplissimi collagæ mei, amore fratres, obser-
uantia parentes: Vos, quot quot adestis, ornatissimi au-
ditores, estote precor rectæ voluntatis meæ, estote laborum
testes, fautores, adiutores, meq; in protectionis,
& benevolentia vestra sinum ita reci-
pite, sicut ego me vobis,
dico, ac deuoueo.

[illegible]





